



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Agenda S. Coloniensis Ecclesiae. Hoc Est: Liber Pastoralis**

**Ferdinand <Köln, Erzbischof>**

**Coloniae Agrippinae, 1614**

Exorcismus contra imminentem tempestatem fulguris & grandinis.

**urn:nbn:de:hbz:466:1-39761**

**EXORCISMVS CONTRA IMMI-**  
*nentem tempestatem fulgurum & grandinis.*

**P**ER signum ✠ crucis de inimicis ✠ no-  
 itris libera nos ✠ Deus noster, In nomine  
 Patris, ✠ & Filij, & Spiritus sancti. Amen.

*Dicitur Symbolum fidei scilicet. Credo in Deū, &c.*

*Deinde, Kyrie eleison. Christe eleison. Kyrie eleison.*

**P**ater noster.

*Verf. Adiutorium nostrum in nomine Domini.*

*Resp. Qui fecit cælum & terram.*

*Verf. Sit nomen Domini benedictum.*

*Resp. Ex hoc nunc & vsque in sæculum.*

*Verf. Exurgat Deus & dissipentur inimici eius.*

*Resp. Et fugiant qui oderunt eum à facie eius.*

*Verf. Exurge Christe adiuua nos.*

*Resp. Et libera nos propter nomen tuum.*

*Verf. Domine exaudi orationem meam.*

*Resp. Et clamor meus ad te veniat.*

*Verf. Dominus vobiscum.*

*Resp. Et cum spiritu tuo.*

**Oremus.**

**D**omine Iesu Christe, qui fecisti cælum &  
 terram, mare, & omnia quæ in eis sunt,  
 qui que flumini Iordani benedixisti, atque in  
 eo baptizari voluisti, & tuas sanctissimas ma-

R r

nus,

nus, & brachia sacratissima in cruce ✠ extendisti, quibus aërem sanctificasti: obsecramus immensam pietatis & bonitatis tuę abundantiam, quatenus has nubes, quas ante me, & post me, & supra me, à dextris, & à sinistris, video aërem perturbare, dissoluere & annihilare digneris: vt alligata potestas dæmonum, impię defæuentium, deficiat, & turbetur ad laudem tui sanctissimi nominis, & potentissimæ maiestatis tuę. Qui viuis & regnas, &c.

*Postea conuersus ad nubes, signet eas signo crucis, dicens:*

**C**ircundet te nubes Deus Pater, ✠ circundet te Deus Filius, ✠ circundet te Deus Spiritus sanctus. ✠ Destruat te Deus Pater, ✠ destruat te Deus Filius, ✠ destruat te Deus Spiritus sanctus. ✠ Comprimat te Deus Pater, ✠ comprimat te Deus Filius, ✠ comprimat te Deus Spiritus sanctus. ✠ Amen.

*Obsecratio.*

**S**anctus Mattheus, S. Marcus, S. Lucas, S. Iohannes Euangelista, qui Christi Euangelium per quatuor mundi partes diuulgarunt, ipsi  
suis

suis meritis & precibus hanc tempestatem à termino isto, & ab omnibus Christianorum finibus, ab eodem Domino nostro Iesu Christo remoueri obtineant, & depelli.

**Exorcismus.**

**E**t ego peccator & Christi Sacerdos, seu minister, licet indignus, auctoritate & virtute eiusdem Dei & Domini nostri Iesu Christi, summi Imperatoris, non mea potentia innixus & confisus, vobis præcipio, immundissimi spiritus, qui has nubes seu nebulas concitatis, in virtute eiusdem Dei & Domini nostri Iesu Christi, ✠ per sanctissimam eiusdem incarnationem, per sanctam Natiuitatem, per baptismum & ieiunium ipsius, per eius sacratissimam crucem ✠ & passionem, per sanctam resurrectionem, per admirabilem ascensionem, per tremendum aduentum eius ad iudicium, per merita intemeratæ semperq; virginis Mariæ, & sanctissimi **N.** & per merita omnium Sanctorum, vt exeat ab eis, & eas dispergatis in locis siluestribus & incultis, quatenus nocere non possint hominibus, animalibus, fructibus, herbis,

R r 2 arbo-

arboribus, aut quibuscunque rebus, humanis  
v'sibus deputatis. Per eundem Dominum no-  
strum Iesum Christum, qui venturus est iu-  
dicare viuos & mortuos, & sæculum per ig-  
nem. Amen.

**I**psè vobis imperat, doëmones, qui has nu-  
bes commouetis, de quo de nube lucida di-  
ctum est: Hic est filius meus dilectus, in quo  
mihi bene complacui: ✠ ipse vobis imperat,  
qui sua sacratissima cruce, corporis sui san-  
ctissimi in ea extensione, aërem purgavit: ✠  
ipse vobis imperat, qui per mortem suã vos,  
principem vestrum, mortemque deuicit &  
ligauit, atque æternæ gehennæ mancipauit ig-  
nibus: ✠ ipse vobis imperat, qui inferno  
spoliato surrexit à mortuis: ✠ ipse vobis  
imperat, qui post quadraginta dies nube sus-  
ceptus, virtute sua ascendit in cælum: ✠ ipse  
vobis imperat, qui venturus est iudicare vi-  
uos & mortuos, & sæculum per ignem. **Resp.**  
Amen.

**Et postea ostendat crucem in aëra, dicens:**

**E**cce lignum sanctissimæ crucis, fugite par-  
tes aduersæ; vicit enim vos & mundum Do-  
minus noster Iesus Christus Filius Dei, Im-  
pera-

**Exorcismus contra tempestates.** 323

perator summus, Leo de tribu Iuda, Radix  
David.

Postea aqua benedicta in modum crucis aspergat per  
quatuor latera. Dicendæ sunt etiam Litanix, si nondum  
quiescit tempestas.

**Psalm.** Quicumque vult.

**Antiph.** Salve regina, &c. Sub tuum præsidium.

**Cant.** Benedicite omnia. cum **Verf.** Gloria Patri. in quo-  
libet versu dicti Cantici. Deinde:

**Verf.** Benedicamus Patrẽ, & Filium cum sancto Spiritu.

**Resp.** Laudemus & superexaltemus eum in sæcula.

**Verf.** Ora pro nobis sancta Dei genitrix.

**Resp.** Vt digni, &c.

**Verf.** Exurge Christe, adiuua nos.

**Resp.** Et libera nos propter nomen tuum.

**Verf.** Domine exaudi orationem meam.

**Resp.** Et clamor meus ad te veniat.

**Verf.** Dominus vobiscum.

**Resp.** Et cum spiritu tuo.

**Oratio.**

**O**mnipotens sempiterne Deus, qui dedisti  
famulis tuis, in confessione veræ fidei, æ-  
ternæ Trinitatis gloriam agnoscere, & in po-  
tentia maiestatis adorare vnitatem; quæsu-  
mus, vt eiusdem fidei firmitate ab omnibus  
semper muniamur aduersis.

R r 3

Ora-

*Oratio.*

**P**rotege Domine famulos tuos subsidijs pacis; & beatæ Mariæ semper virginis patrocinio confidentes, à cunctis hostibus & periculis redde securos.

*Oratio.*

**A**D Domo tua quæsumus Domine, spirituales nequitia repellantur, & aërearum discedat malignitas tempestatum.

*Oratio.*

**A**D te nos Domine clamantes exaudi, & aëris serenitatem nobis tribue supplicantibus, vt qui iustè pro peccatis affligimur, misericordia tua præueniente, clementiam sentiamus.

*Oratio.*

**L**argiri & fructus terræ conseruare dignare, Domine Deus noster, vt temporalibus gaudeamus auxilijs, & proficiamus spiritua libus incrementis. Per Christum Dominum nostrum.

**P**otest dici etiam Oratio illius Sancti in cuius honore constructa est Ecclesia, & aliorum Sanctorum, in quibus plus de eorum adiutorio confidimus, propter specialem deuo-

deuotionem nostram: Possunt quoque dici & alia deuota Orationes, cum compunctione & cordis contritione, implorando semper misericordiam Dei. Et si adhuc tempus tempestuosum permanserit, poterunt supradicta pluries repeti.

## EXORCISMVS DOMVS

*à demonio vexata.*

**S**acerdos indutus superpelliceo & stola, dicit: In nomine Patris, ✠ & Filij, ✠ & Spiritus ✠ sancti. Amen.

*Verf.* A diutorium nostrum in nomine Domini.

*Resp.* Qui fecit cælum & terram.

*Verf.* Dominus vobiscum.

*Resp.* Et cum spiritu tuo.

### Oremus.

**O**Mnipotens sempiternus Deus, qui Sacerdotibus tuis tantam gratiam contulisti, vt quidquid in tuo nomine dignè perfecteque ab eis agitur, à te fieri credatur; quæsumus immensam clementiam tuam, vt quod modò visitaturi sumus, visites: & quidquid benedicturi, benedicas: ✠ & ad ea quæ acturi sumus, dexteram tuæ potentiaë extendas: sintque ad nostræ humilitatis introitum (sanctorum



etorum tuorum meritis) fuga demonum, & angeli pacis ingressus. Per Christum. *Resp.* Amen.

*Oremus.*

**D**Eus Angelorum, Deus Archangelorum, Deus Prophetarum, Deus Apostolorum, Deus Martyrum, Deus Confessorum, Deus Virginum, & omnium bene viuentium: Deus & Pater Domini nostri Iesu Christi, te inuoco, & nomen sanctum tuum, ac præclaræ maiestatis tuæ clementiam supplex deosco, vt mihi auxilium præstare digneris, aduersum nequissimum spiritum; vt vbicunque sit, audito nomine tuo velociter exeat & recedat. Per Christum Dominum nostrum. *Resp.* Amen.

*Coniuratio.*

**A**Diuro te Serpens antique, per iudicem viuorum & mortuorum, per factorem mundi, qui habet potestatem mittere te in gehennam, vt ab hac domo festinus discedas. Ipse tibi imperat maledicte diabole, qui ventis ac mari, & tempestatibus imperauit. Ipse tibi imperat, qui te de supernis cælorum in inferiora terræ demergi præcepit. Ipse tibi  
imperat,

imperat, qui te retrorsum abire præcepit.  
Audi ergo Satana, & time, & victus & pro-  
stratus recede, adiuratus in nomine Domini  
nostri Iesu Christi: Qui venturus est iudicare  
vivos & mortuos, & sæculum, per ignem.  
**Resp.** Amen.

Deinde Sacerdos incipiat quindecim **P salmos** gradua-  
les, & prosequatur quinque priores, aqua benedicta as-  
pergendo loca domus.

**P salm.** Ad Dominum cum tribularer.

**P salm.** Leuavi oculos meos.

**P salm.** Lætatus sum in his.

**P salm.** Ad te leuavi oculos meos.

**P salm.** Nisi quia Dominus erat in nobis.

**Singulos cum Gloria Patri.**

**Quibus finitis, dicit:** Kyrie eleison. **Christe eleison.** **Ky-**  
**rie eleison.** **Pater noster.**

**Verf.** Et ne nos inducas. **&c.**

**Resp.** Sed libera nos à malo.

**Verf.** Domine exaudi orationem meam.

**Resp.** Et clamor meus ad te veniat.

**Verf.** Dominus vobiscum.

**Resp.** Et cum spiritu tuo.

**S**

**Oremus.**

*Oremus.*

**D**Omum tuam Domine clementer ingre-  
dere, & in tuorum cordibus fideiū, per-  
petuam tibi construe mansionem: & presta  
vt in hac domo nulla malignorū spirituum  
dominetur nequitia. Per Christum Domi-  
num nostrum. *Resp.* Amen.

*Deinde dicuntur alij quinque Psalmi, etiam aspergen-  
do loca domus.*

*Psalm. Qui confidunt.*

*Psalm. In conuertendo.*

*Psalm. Nisi Dominus.*

*Psalm Beati omnes.*

*Psalm. Sæpè expugnauerunt.*

*Singuli cum Gloria Patri.*

*Statim dicit Kyrie eleison. Christe eleison. Kyrie elei-  
son. Pater noster.*

*Verf. Et ne nos, &c.*

*Resp. Sed libera nos à malo.*

*Verf. Domine exaudi orationem meam.*

*Resp. Et clamor meus ad te veniat.*

*Verf. Dominus vobiscum.*

*Resp. Et cum spiritu tuo.*

*Oremus.*

**O**Mnipotens sempiterne Deus, qui in om-  
ni loco dominationis tuæ totus assistis, to-  
tus

tus operaris; adesto supplicationibus nostris; ut huius domus sis protector, & nulla hic nequitia contrariæ potestatis obsistat: sed (virtute Spiritus sancti & operatione) fiat tibi hic purum seruitium, & deuota libertas existat. Per Christum. **Resp. Amen.**

Postea dicuntur alij quinque Psalmi graduales, aspergendo, ut supra, loca domus, aqua benedicta:

**Psalm. De profundis.**

**Psalm. Domine non est exaltatum.**

**Psalm. Memento Domine Dauid.**

**Psalm. Ecce quàm bonum, &c.**

**Psalm. Ecce nunc.**

**Singuli cum Gloria Patri.**

**Quibus finitis, dicit Kyrie eleison. Christe eleison. Kyrie eleison. Pater noster.**

**Verf. Et ne nos inducas,**

**Resp. Sed libera nos à malo:**

**Verf. Domine exaudi orationem meam:**

**Resp. Et clamor meus ad te veniat.**

**Verf. Dominus vobiscum.**

**Resp. Et cum spiritu tuo.**

**Oremus.**

**D**Eus qui in omni loco dominationis tuæ, custos & protector assistis, exaudi nos quæsumus; ut inuiolabilis huius domus per-

Si 2

maneat

maneat be **✠** nedictio; & beneficia tui muneris, vniuersitas quæ supplicat, mereatur. Per Christum. **Resp.** Amen.

**Postea in principali loco domus, legat sequens Euangelium.**

**Verf.** Dominus vobiscum.

**Resp.** Et cum spiritu tuo.

**Verf.** Sequentia sancti Euangelij secundum Lucam.

**Resp.** Gloriatibi Domine.

**I**N illo tempore. Ingressus Iesus perambulabat Iericho. Et ecce vir nomine Zachæus: & hic erat princeps Publicanorum, & ipse diues. Et quærebat videre Iesum, quis esset, & non poterat præ turba, quia statura pusillus erat, & præcurrens ascendit in arborem ficomorum, vt videret eum, quia inde erat transiturus. Et cum venisset ad locum, suspiciens Iesus, vidit illum, & dixit ad eum; Zachæe festinans descende: quia hodie in domo tua oportet me manere: & festinans descendit: & excepit illum gaudens. Et cum viderent omnes, murmurabant, dicentes, quòd ad hominem peccatorem diuertisset. Stans autem Zachæus, dixit ad Iesum; Ecce dimidium bonorum meorum Domine, do pauperibus: & si  
quid

quid aliquem defraudavi, reddo quadruplū.  
Ait Iesus ad eum : Quia hodie salus domui  
huic facta est: eo quòd & ipse sit filius Abra-  
hæ. Venit enim Filius hominis quærere, &  
salvum facere quod perierat. **Resp.** Laus tibi  
Christe.

**Deinde benedicitur incensum hoc modo:**

Per intercessionem Beati Michaëlis Arch-  
angeli, stantis à dextris altaris incensi, & om-  
nium electorum suorum, incensum istud di-  
gnetur Dominus bene ✠ dicere, & in odo-  
rem suavitatis accipere. Per Christum Domi-  
num nostrum. **Resp.** Amen.

**Postea Sacerdos ponat incensum super ignem, & in-  
censet domum dicens:**

Incensum istud à te benedictum, adscendat  
ad te Domine: & descendat super nos miseri-  
cordia tua.

**Vers.** Dominus vobiscum.

**Resp.** Et cum spiritu tuo.

**Oremus.**

**V**isita quæsumus Domine habitationem  
istā, & omnes insidias inimici ab ea longè  
repelle, Angeli tui sancti habitent in ea, qui  
nos in pace custodiant: & benedictio tua

Sf 3

fit super nos semper. Per Dominum nostrum Iesum Christum. **Resp. Amen.**

**Postea domum & habitatores eius benedicat, dicens:**

**Benedictio Dei omnipotentis Pa** ✠ **tris,**  
**& Fi** ✠ **lij, & Spiritus** ✠ **sancti, descendat**  
 super hanc domum, & omnes habitantes in  
 ea, & maneat semper. **Resp. Amen.**

**Et aspergat aqua benedicta.**

## DE CVRA FIDE- LIVM AGROTAN- TIVM.

### ET PRIMVM REMEDIA A PA-

*storibus suggerenda agrotis corpore aduersus animi  
 morbos, & varias quibuscum subinde consti-  
 tantur sentationes.*

I.



**D**ilexit omniun Princeps IESVS Christus, in  
 extrema illa, quam ad Apostolos partim, partim  
 ad Patrem suum post coenam vltimam habuit  
 oratione; inter multa seruasse se ait illos, quos  
 Pater ipsi seruandos tuendosque crediderat: Et  
 Ioannes Apostolus de Christo; cum suos (inquit)  
 dilexisset qui erant in mūdo, in finem dilexit eos.  
 Hęc sollicitudo, & ille paternę caritatis affectus  
 semper quidem, & ad omnia humanę vitę mo-  
 menta in Pastoribus omnibus debet relucere: sed tum maximè, quando  
 ouiculę quas curandas susceperunt in extrema rerum humanarum cata-  
 strophe, à rapacibus lupis, vehementiùs imperantur: vnde aut vitę aut  
 mortis